

中華郵務總局特准掛號認爲新聞紙類

中華民國十六年四月二日出版

京兆火會報

第三百八十二期

星期六

京兆公報第三號八百二十八期目錄

大總統令
本公署令

委任令

▲委任秘書李儂調查本署直轄各學校以資整頓合
▲委任李志瑞隨同臨時視學前往直轄各校協同查察合

訓
令

▲訓令永定河務局據宛平縣與辦石景山至蘆溝橋水渠送工文
呈准石蘆水(利公會函以工代賑)工程計畫書等情令仰知照

訓令直轄公立各學校茲為便於稽核
發還照辦理毋稍違誤
其稿之類為亘古所未

▲調合附屬各機關赤化東侵闖入中國有通令遵照辦理隨時
直轄各學校 聽令嚴密檢查勿稍疏玩

▲訓令親學員趙善懋現值春季開學之始茲委該員前往各縣文
楊敏認真視察切實指導隨時呈報備查
奉旨開學之始派員視察切實督飭即督

▲訓令二十縣現值春季開學之始，派員視察切實指導，俾各督文同教育局長先期籌畫，按照各節認真進行。

指 令

▲ 指令 京兆甲種農業學校呈遵照教育部學校統系改革案
令擬請改本校為職業學校藉符定章送計畫書請示文
▲ 指令 京兆第一幼稚園呈報新舊幼生共八十名分兩班訓練
附請罰請示文

▲本區各機關令文

京兆全區旗鑾官產清理處訓令懷

▲京兆全區旗產官產清理處訓令懷柔分處該縣議會等請裁
產清理處訓令良鄉分處據王景川等所開發給文
行宮四至是否屬實仰派員勘查呈復核奪文

▲視學員楊敏觀察通縣教育報告書(續)
東
件

△ 公 廣 △

▲京兆全區旗產官產清理呈軍團部理處代電呈京兆尹擬將機加價請核示逕行文
▲京兆全區旗產官產清理處通知李廷璽來處領取部照設書文
▲京兆全區旗產官產清理處布告為大鹿園畝地已派員清理一體遵照文

▲京兆全區旗產官產清理處呈軍閥長為京郊官產處請轉呈文
▲京兆全區旗產官產清理處呈軍閥長為京郊官產處請轉呈文
▲京兆全區旗產官產清理處函致京師督辦公事處請將前步軍統領衙門案卷移交本處保管文

▲京兆全區旗產官產清理處指令武清縣知事分_配_{提成辦法}仰會擬呈核文
▲京兆全區旗產官產清理處指令密雲分處旗地售租處在縣文
設立機關已函請該處允將員役撤回文

▲京兆全區旗產官產清理處
▲京兆全區旗產官產清理處
▲京兆全區旗產官產清理處
▲京兆全區旗產官產清理處

▲ 命 令 ▼

大總統令（國務院攝行）

內務總長胡惟德呈龍江道道尹王樹翰請免本職綏蘭道道尹谷芝瑞懇請辭職王樹翰谷芝瑞均准免職

此令三月十七日

調任董召棠爲龍江道道尹宋文郁爲綏蘭道道尹此令

任命張壽增爲黑河道道尹趙仲仁爲呼倫道道尹此令

任命張星桂爲黑龍江財政廳廳長此令

任命汪維城爲黑龍江政務廳廳長此令

本公署令

委 任 令

▲委任秘書李儻調查本署直轄各學校以資整頓令 第四七號

三月十七日

爲令委事茲派該秘書調查本署直轄各學校事宜仰即認真調查並將調查情形詳細具報以資整頓切切

此令

▲委任李志瑞隨同臨時視學前往直轄各校協同查察令

第四九號
三月廿一日

爲令委事案查本公署直轄各校業經遴派秘書李儻兼充臨時視學視查在案茲特加派該員隨同該臨時

視學前往直轄各校協同查察以期詳盡是爲至要切切此令

訓令

▲訓令永定河務局據宛平縣呈准石蘆水利公

會函以工代賑興辦石景山至蘆溝橋水渠送工程計畫書等情令仰知照文

第二五一號
二月廿四日

爲令知事案據宛平縣知事常蔭圃呈稱案查接管卷內准宛平石蘆水利公會函開逕啟者竊查京西一帶山荒地瘠近年以來水旱頻仍民生彫敝徒喚奈何敝會同人有鑒於此特向中國華洋義賑救災總京兩會借款八萬三千元以工代賑興辦石景山至蘆溝橋水渠便利農民而垂永久前經函請備案茲將借款合同工程計畫一併呈請轉呈京兆尹核准以便開工藉資救濟相應函達至綱公誼附工程計畫一份等因准此理合照抄計畫書據情具文呈請核准令遵等情到署除指令照准外合亟抄發原送計畫書一份令仰該局長知照此令

附石蘆水渠計畫書一份

石蘆水渠計畫書

灌溉區域 石蘆水渠起點在石景山之南終點在蘆溝橋之北其經行地方及灌溉區域見「水渠平面總

圖」擬灌之田約七萬畝倘施行之後著有成效仍可逐漸推廣

用水方法 幹支各渠均設有新式閘門可以隨意啟閉支配水量

爲用水經濟起見石蘆水利公會應採「輪流灌溉法」旬日定爲一週每日灌七千畝輪流旬日則可灌七

京

光

萬畝如此辦法各田每月得水三次每次水量以二寸爲度是一月之中各田均可得水六寸也
永定河流量 石蘆水渠引永定河之水用以灌田則該河之流量不可不知據調查及實測之結果永定河
之水除陽歷五六兩月外水量充足不虞缺乏五六兩月中逐日水量時有漲落平均計之每秒鐘約七百
立方尺最小流量每秒約七十立方尺至一百立方尺凡值河水微小之時工作宜勤晝夜不息以期涓滴
不廢則需要與供給尙不致相差過鉅水量充足之時每晝夜工作十小時可使七千畝面積均得二寸之
水猶有餘裕

工程建築 水渠之深廣高下橋梁閘門及梯槽等建築物之位置及做法均經詳細規畫審定茲略擇要述
之如左

幹渠 幹渠由石景山至東興莊共長十九里底寬三丈五尺渠深不定隨地勢之高下而異渠身取出之土
置於渠旁築成土堤

支渠 幹渠沿途設支渠十二道以達各村支渠大小不等大者底寬四尺小者底寬三尺半各渠之長統計
之爲五十二里

總閘門 總閘門設於石景山之南永定河石堤之外原有石築涵洞一座可資利用現擬在該涵洞內方於
河堤之下設置暗渠爲引水之路並在該暗渠之口裝置鋼製閘門隨時可以啟閉

總閘門上游石堤地位適宜用以掩護閘門極稱得力現有之石築涵洞處於正溜側面可保安全

支渠閘門 每一支渠口均設閘門一座開閘門時可以節制水量應時之需閉閘時可以瀉盡渠中之水免

梯槽 由石景山至蘆溝橋地勢西高而東卑平均傾斜度爲三百六十分之一如不加以處理方法則渠流湍激冲蝕堪虞梯槽之功用一可減小渠身之傾斜度除去冲刷之病二可抬高水面易於引用三可減少泥沙淤積

土工節省費用

橋梁 本區域內大車通行道路頗多水渠築成之後不設橋梁則交通阻絕倘遇一路即設一橋則橋工費用過鉅殊不經濟不得已而取折衷辦法凡關係重要之道路均爲設橋以便通行其不甚重要之道路可以繞行及橋亦無不便之處總計之幹渠上設橋七座支渠上設橋二十四座共爲三十一座

電話 幹渠沿岸擬設自用電話綫以便各閘門看守人可以互通消息不誤啟閉職務

石蘆水渠總閘門計畫書

總閘門之地位 石景山之南永定河東岸在此處河爲南北形故稱東岸原有石築涵洞一座處於正溜測面地位安全設置閘門極爲相宜所有爲引水而設置建築物及啟閉機件分述於後

二 臨時水壩 永定河之水每值春末夏初量小流低必須將水面略爲抬高方能引以灌田此水壩之不可少也

惟水壩橫亘河中與閘門情形不同正流衝擊無可倖免如欲設一永久性質之水壩則所費極鉅非特款項難籌且亦不同原則故現在計畫擬採歲修辦法最爲合宜每年於大汛期後將壩修齊以備應用次年水漲壞傷再爲添料修補爲是則工省費輕不生困難水壩既係臨時性質無禦伏汎大溜之必要故建築

簡單不求過於堅寔每年酌量河身情形臨時規畫

三合土暗築 永定河堤下擬設三合土暗築五道暗渠上口安置銅門暗渠下口直通暗渠工竣之後河堤原狀仍復舊觀各暗渠均寬四尺高三尺五渠合計每秒鐘可送水四百三十立方尺較之日需要大有盈餘

鋼製閘門 原有石築涵洞內方係永定河石堤閘門地位擬設石堤面上蓋較之設於原有涵洞面上尤爲善也閘門以鋼板及三角鐵等造成外塗紅鉛油防其日久腐銹門與暗渠口接觸地方必須緊密免水透漏又在該處緣邊特加銅條以減少摩擦力便於啟閉

啟閉機關 銅門門軸直達河堤頂上擬在堤頂設立新式啟閉機關用螺旋動作引動鋼門此項機件配合得宜水低時一人之力可司啟閉水高時二人合力可以進退自如

閘板設備 爲格外慎重起見鋼門之外擬另設閘板以防河水內浸凡河水盛漲之時農田不患無水故鋼閘板閘均可全閉二閘之間空隙不大復可填以麻袋等物藉阻滲漏之病

▲訓令直轄公立各學校茲爲便於稽核起見釐定辦法十條

合發遵照辦
理母稍違誤文 第三七〇號
三月十九日

爲令遵事查近歲以來本公署直轄公立各校經費拮据生徒減少當局日事張羅窮於應付旁觀不加諒解噴有煩言斯固由於時局不寧有以致此而各該校安於故習不將辦理現況隨時呈報致本公署未由就其現在情形與各校長共籌改進亦實一最大原因茲爲便於稽核起見釐訂辦法十條令發各該國仰該長即便遵照辦理毋稍違誤是爲至要切切此令

附辦法一分四柱清冊格式一分

稽核京兆公立各校辦法

第一條 凡京兆公立各校均應依照本辦法之規定以憑稽核

第二條 公立各校每級學生名額之標準分別列左

三
百
八
十

- | | | |
|--------------|--------------------|-------------|
| 一 師範學校 每級四十人 | 二 中學校及甲種農業學校 每級五十人 | 三 小學校 每級六十人 |
|--------------|--------------------|-------------|

第三條 各校招收新生每級如不足標準名額半數時不得呈報備案

第四條 各校之各項成績除責成視學員認真查視外於必要時並得爲臨時試驗

第五條 各校每月所有各項收支款項須於次月據實詳造四柱清冊一分呈送本公署查核
前項之清冊格式另定之

第六條 各校領到經費應即將薪資發放不得有挪用或故意延緩情事

第七條 各校如有本辦法第三條情事時應即將該級經費停發俟次期招足額時再予恢復

第八條 凡例行呈報事項均應依期遵辦毋稍逾延

第九條 公立第一幼稚園及女子師範附設之幼稚園均適用本辦法之規定但每級名額至少以二十人

爲限

第十條 本辦法自公布日施行

京兆公立 遵將民國 年度 月份收支款項造具清冊恭呈

鑒核

計開

舊管截至 月底

學校實虧欠職教員薪金洋 元 (此項第一次呈報時另冊列舉)

一 欠商號洋 元 毛 分

一 京兆財政廳欠發經費洋

元

一 現存洋 元 毛 分

一 其他(如基金債券股票等項填列此處)

新收

一 領 月份經費洋 元

一 直接收費洋 元

一 借墊或挪用洋 元

一 其他

開除

訓令

實在

共存
虧洋

元毛分

說明一 本清冊所列均以寔收寔支爲限預支無須列入

說明二 開支各項須按次序分別書寫若係購買物品須註明數量但無庸附送收據

說明三 實在欄內存數係指寔存款項而言虧數係舊虧總數本月份如有新虧亦應一併列入

▲訓令

二十縣知事
附屬各機關
直轄女學校

赤化東侵闖入中國其禍之烈爲亘

古所未有通令遵照辦理
隨時嚴密檢查勿稍疏玩
文 第三八〇號
三月二十二日

期 百 八 十 二

爲令遵事照得赤化東侵闖入中國其禍之烈爲亘古所未有各方面聯師致討轉瞬已逾兩年乃狡黠之徒猶復煽惑不已本尹^此潮流惕于往事用再對切宣示俾我文武僚屬地方民衆知其本原庶不致溺於邪說受其愚惑查赤化之名本爲俄羅斯勞農政府共產黨人所標舉藉以顛覆舊俄政府者所謂勞農政府其主要人物如列寧如加拉罕之流均屬猶太種人自亡國散居凡仕進高位經商厚積皆爲斯拉夫族政府人民所歧視備受剝削挾百年以來不逞之怨發爲橫決故視舊俄政府人民均如毒蠶蘇維埃聯邦成立之際其待遇舊俄臣民商賈種種酷虐並非真謂排斥帝國及破壞資本家爲神聖不侵之主義不過借以號召爲怨毒報復之舉舊俄之人無論皇室豪貴即一介平民凡非猶太族類皆在有心置諸死地之列故其舉動如

京兆公報

此顧以破壞過甚數年以來致其國內十室九空無可復肆搜刮以供新政府維持生活之用遂欲設法推廣其排斥帝國主義之說冀以破壞鄰國資產從中取利歐西各大國無不知其心理是以合作聯防拒之甚力詭謀不逞改而東圖乃我國人既無猶太族種族之殊又無百年抑塞之忿無端推闡其說不肖軍閥忍于喋血京師毫無顧忌而無聊黨人又復假借名義侵入湘鄂贛浙進窺江蘇歷據傳報黨軍所到之地首先搜刮財產其公司資本鉅商儲蓄固所不免而貧苦小民服田力穡之儻毫無資產階級之可言亦復任意勒捐巧立名目有所謂三三一制四四二制務馨所有不殊盜劫且甚有俄人如鮑羅廷夫婦之流相隨參與其間此中詭圖不言可喻現更公然廢除孔廟祭祀廢除各處敬節堂勒令節婦改嫁凡民間房屋任意佔據財帛任意取用對於婦女尤任意姦佔謂之公妻變本加厲喪盡人心南省難民來京者不少申訴所述非同虛構並聞有便衣宣傳隊到處煽惑我京地方雖未發見若輩踪跡誠恐窮鄉僻壤人民不知鑒別或至誤入歧途須知前年赤軍京畿凡我京兆人民受其殘害痛定思痛萬不能再任黨人肆擾淪于洪水猛獸之刦嗣後各該地方如有結社集會等事人民皆當自審利害而地方負責文武長官尤當隨時嚴重取緝勿令稍有赤化潛滋其間以衛閭閻而安生業除布告外合亟通令各該

仍將布告隨令頒
視爲具
處局 知事

發分頭張貼俾衆周知勿得視為具文是爲至要切切此令

文 是 為 至 要 切 切 此 合

附布告

訓令

訓令視學員

趙善懋 楊敏 現值春季開學之始
茲委該員前往各縣認真視察切實指導隨時呈報備查 文 第三八二號

爲令行事案查各縣學務由本署每年分兩季派員視察歷經辦理在案現值春季開學之始茲委該員前往通三寶蔚香平順密懷昌等十縣認真視察切實指導並擬具報告書表隨時呈報以憑察核而策進行除分令外固霸永安武大宛涿良房合行令仰該員卽便遵照並將出發日期呈報備查切切此令

▲訓令二十縣知事現值春季開學之始

派員視察切實指導仰卽督同教育局長先期籌畫按照各節認真進行 文 第三八三號

爲令行事案查本署視學員上年分途視察各縣學務狀況業經先後報告到署並分別令行遵辦在案現值春季開學亟待視察以定考核茲委視學員趙善懋前往通三寶蔚香平順密懷昌等十縣楊敏前往固霸永安武大宛涿良房等十縣分途視察除分行外合亟令仰該知事督同教育局長卽將該縣學務應興應革以及停閉各校設法恢復事項先期籌畫一俟該員到縣應卽按照指導各節認真改進是爲至要切切此令

指 令

第 百 八 十 二 期

▲指令京兆甲種農業學校呈

遵照教育部學校統系改革案敘令擬請改文 第八七八號

兩呈覽附件均悉查該校所請改爲京兆職業學校並先招實業行政講習科一班事屬可行應予照准惟預算應參照公立初中各校編制以期適當查初中開辦一班月支經費三百四十元每增一班則增經費一百式十元該校原有師範一班與初中程度相埒惟不收學費復多農場試驗費應比照初中一班准增加六十

元每月按四百元支領講習科一班經費查所呈預算書教薪較優如不收學費應比初中添班經費准增加七十元每月按一百九十元支領兩班共計為五百九十元惟自本年二月分起至講習科成班之日應照原有一班每月經費四百元支領並應造具預算呈報備核嗣後依照計畫添招班次時再行編造詳細預算呈請核辦此令附件存

▲指令京兆第一幼稚園呈報新舊幼生共八十名 分兩班訓育 第九一八號
附清冊請示文 三月廿三日

呈件均悉該園幼生既經招足學額應准照舊分兩班辦理嗣後對於幼生缺席務宜隨時勸誠以免曠廢是爲至要此令附件存

▲本區各機關令文▼

◆京兆全區旗產官產清理處委任令

茲委任王峻閣為平谷縣旗產官產清理分處專員此令 第一七一號
三月九日

茲調任計慎行為寶坻縣旗產官產清理分處專員此令 第一七二號
三月九日

茲委任金有常為本處科員此令 第一七三號
三月九日

茲委任 余寶董 孟廣厚為本處辦事員此令 第一七五號
三月九日

茲派王杼齊崇吳訥志林爲本處稽查員仍支原薪所有應行稽查事宜聽候本處隨時遣派仰即遵照此令三月十六日

▲京兆全區旗產官產清理處訓令懷柔分處

該縣議會等請截留
基金仰就近發給文 第五一三號
一月卅一日

案據懷柔縣知事朱永春呈稱案准縣議會教育局等函稱竊查旗產留置章程第七條內載以百分之五專款存儲備作地方公益救濟八旗貧民牛計之用等語查懷柔縣旗民雜處轄境不及百村近水靠山盡是山坡沙地人民異常瘠苦是以從前驗契升科均蒙恩准減輕科則他縣不得援例此次留置旗產價額前蒙清理處允准減輕屢荷特別優恤懷柔之貧苦可見卽以現在減輕價額計之懷柔約出十萬元以上以懷柔不及百村之小縣當此兵燹匪刦水旱頻仍之餘出此如是鉅金困苦情形已達極點所有教育實業保衛以及一切地方公益事宜均呈停頓之現象若不極力整頓新政無以設施若果認真催辦民力實有未逮衛民反以累民殊失愛民之本旨

敵會職局再四籌思惟有懇請將留置旗產價內百分之五地方專款准予照數截留違章辦理地方公益庶百政不致廢弛民困亦可稍蘇卽

敵會職局

亦感戴莫銘矣相應函請鑒核轉呈實報公誼此致等情准此除函復外理合轉呈鑒核指示祇遵除呈請

鎮威第三四方面軍團司令部政務處外謹呈等情據此查該縣議會等懇請准予截留地方公益基金百分之五專款一節核與通案不符本難照准姑念該縣民生困苦從寬特准提留他縣不得援以爲例以示優異除指令朱知事轉行知照外各行令仰該分處遵照就近發交具領呈報備查此令

京

兆

公

▲京兆全區旗產官產清理處訓令

良鄉分處據王景川等所開行宮四至是否屬實仰派員勘查呈復核審文 第五七四號
二月廿四日

爲訓令事案查該縣行宮所屬房屋暨宮外餘地業經本處准由該處居民代表王景川常清林備價承領爲業並經令行該縣查照保護各在案茲據該民呈稱呈爲留置官房官地業經蒙 賁處准予備價留置承買人已將鋪保款條一並呈上在案今將該地丈尺四至開列於後

計開 尺丈 四至列後

東西寬壹百六十一丈五尺

東至狄姓

西至王姓

南北長壹百七十五丈

南至馬姓

北至楊姓

爲此謹呈 賁處發給部照以便施行等情據此查該民所開四至丈數是否確實本處難以臆斷除批示外合亟令仰該分處卽便遵照派員勘查清楚迅速具覆以憑核辦此令

▲京兆全區旗產官產清理處訓令房山縣知事

准王公代辦處函稱曹景興與劉瓊糾葛各節仰查明具復文 第五八五號
二月廿六日

案准八旗王公世爵旗產代辦處函開准順承郡王文葵函開敝府房山等縣地畝委托貴處辦理在案查敝府壘園亦坐落房山縣西南區西甘池村地方坐西向東壘園前面距離十數丈有自挖風水河一道河東岸自南至北均有早年自栽樹株並有往來通行道路惟東岸偏南一小部分距離數丈之東界毗連南甘池村民人劉瓊地十二畝北界毗連敝府餘地此十畝早年典與敝府看守壘園之曹景興耕種於上年陰曆正月劉瓊備價贖回之次日卽率領多人將伊地迤西河岸兩行大小楊柳各樹砍伐十二株之多當經曹景興攔阻未容運走伊貪心不足復砌詞在房山縣村將曹景興等反控傳訊經年劉瓊刁狡異常攔阻併假丈量因

第
三
百
八
十
二

此地十二畝之東毗連伊地十五畝以兩地無界可分於是請縣派委併復勘丈照伊原契二十七畝據足本令伊受分毫之損失此節屢次聲明該縣無如劉瓊恐侵佔鬼蜮敗露攔阻丈量嗣敝府一再呈請該縣二次派委會同區董村正副等履勘形勢任伊所指界趾合併丈量實地四十八畝有餘當經縣委繪具圖說分註明晰呈縣存卷遂經縣博復訊二次該劉瓊知地浮多未敢到案嗣聞丁前縣長有交卸之風傳伊卽賄賂承審擅照伊白契所載西至河判令劉瓊管業似此判斷官廳若以白字爲確証而此項白契何人不許私造耶思之再四實難甘服相應出具公函鈔錄該縣判詞祈請貴處鑒核轉行京兆旗產清理處令該縣撤銷原判查驗趙桂青賣地白契之真僞並有無老契跟隨務請以縣委丈地圖說秉公判決并鈔錄判決書等因准此查該王府函稱各節並有縣委丈地圖說等項證明應如何辦理之處相應照錄判決書函請

貴處查照卽希轉令該縣知事查明丈地圖說及兩造真實契據并調驗劉瓊價買趙桂青租地有無老契相隨秉公核辦至級公誼附抄判詞一本等因准此查此案經該縣丁前知事僅憑一紙白契判歸劉瓊管業究竟當初價買趙桂青租地之時有無老契相隨殊屬疑問事關產權不厭求詳合行抄錄原判令仰該縣知事卽便遵照切實查明具覆以憑核辦此令

附鈔件

▲房山縣公署民事判決

判決

原告人劉瓊年三十九歲房山縣南甘池村校長

被告人曹景興年六十一歲住址同前 看坟

王 八未到曹銘義代質同 前

看

右列當事因地界糾葛涉訟經本公署審理判決如左

主文

本案係爭地界着劉瓊以契載西至河爲界管業訴訟費用歸本告負担

事實

緣劉瓊故祖劉餅於清道光廿九年十月十四日憑中陳明說合用價置到趙桂青租地二段計十二畝立有字據載明四至爲証此地西至以河爲界管業該河以西卽係順承王府坟地歸該王府管業舊歷正月廿三日劉瓊因需欵缺乏遂將該河東岸四至內楊柳樹株砍伐欲行出售卽經順承王坟頭目曹景興攔阻聲云該樹係屬坟界之內樹株不准砍伐等情遂經劉瓊呈訴到署並據曹景興辯稱劉瓊之地十二畝係西至陵寢河邊十餘弓伊因承買官產擅將西至私自改造西至王坟現有照據原契等証並稱劉瓊之十二畝地迤東尙有十五畝共計廿七畝侵占王產四畝有餘尙且貪心不足尤復搶伐陵寢河邊之楊柳樹株十有二棵請併假勘丈前來迭經傳集質訊兩造供詞各執隨卽派員勘丈繪具圖說在案並令兩造各將契據呈候核閱除劉瓊已將地契呈案驗明外惟曹景興並未將原契呈案僅據伊主文葵將民國四年報補新契拍照像片一紙呈案前來並稱原契於庚子年變亂遺失等情查文葵呈驗報補新契僅載寬長尺數並無註有四至隨復票傳開庭辯論兩造各供仍執一是遂復飭令曹景興等回府詢查確切証據迄未呈驗應卽依照劉瓊

契載判決

理由

本案劉瓚係因伊地西至河與曹景興發生糾葛應以兩造契約爲判決之根據該曹景興既不能舉出證明該河東岸歸王府所有之確據自應根據劉瓚契載爲標準查劉瓚契載西至河該處既無他河溝僅祇兩造交界河一道（見所繪之圖）則劉瓚契載西至當係此河無疑而沿河東岸當然爲劉瓚所有惟曹景興辯稱該河係王府掘挖之風水河沿岸應歸王府所有劉瓚應西至河十餘弓等語核其陳述純係空言主張毫無證明確據况伊主文葵呈驗照契僅有寬長尺數並無東至該河東岸之註載亦不能證明該河東岸即爲王府之產應認曹景興之辯論並無理由

依上論結茲判令劉瓚之地十二畝應照契載以西至河爲界管業曹景興不得再行爭執本審訴訟費用依照民事訴訟條例第九十七條歸被告負擔特爲判決如主文本案當事人如不服本審判決得於送達後廿日內聲明上訴於京師地審廳

中華民國十一年二月二十三日

兼理司法房山縣知事丁震洲印

承審官陳鼎印
書記員張仲元印

▲京兆全區旗產官產清理處訓令昌平分處據朱

煜勤呈請將前由分處清理者專案呈報仰卽遵照文

第五八七號
二月廿六日

京兆

爲訓令事案據明裔延恩侯朱煜勸呈稱呈爲陳明鹿山卽前明護陵山係屬明陵餘地範圍請飭知清理明陵餘地事務所照章處分以杜蹊混事竊查前明護陵山本係荒地自清室入關以後鄰近土人私自開墾數百年來種植殆遍當時名爲麅鹿之場遂相沿稱爲麅鹿山民國四年曾由前京兆尹派員查明確係陵產有案可稽今蒙鈞處設立清理明陵餘地事務所具見體恤勝朝後裔莫不欽感擬請鈞處飭知該所將麅鹿山已墾之地一律照章處分毋任佃戶設辭蹊混以維產權其在清理明陵餘地事務所未成立以前業由昌平縣旗產分處辦理留置者並請飭知該分處造冊專案呈報以便敝府照章領價不勝翹企待命之至等情據此除批示呈悉查麅鹿山地屬明陵範圍應由清理明陵餘地事務所清理業由本處分令遵照在案所稱在清理明陵餘地事務所未成立以前已由分處清理者請飭造冊專案呈報一節仰候令行該分處查核辦理此批等因掛發外合行令仰該分處卽便查照辦理此令

▲京兆全區旗產官產清理處指令南苑清理局呈報撥付基

金數目文第一二三號
准備案二月廿八日

呈悉查該所自上年十二月二十三日結至現在又征存公益基金現款大洋九百零五元八角七分七厘貲欵放回本利計洋四百四十一元五角六分已於本年二月十七日分別儘數撥交大興縣南苑公益會具領事屬可行應准備案仰卽知照此令

公報

▲京兆全區旗產官產清理處指令南苑清理局劣

神陵抗查實送
急并按戶嚴催文第一二二號

呈悉查劣紳懲愚佃戶抗不留置殊堪痛恨如果查有實據准由該局送縣懲辦至尙未留置之一千餘頃著卽按戶傳催酌給限期如有抗不遵傳及逾限不留者卽行照章撤佃以示薄懲仰卽遵照此令

▲京兆全區旗產官產清理處指令武清縣知事分配提成辦法印會文 第一二二三號

辦法印會文 第一二二三號
擬呈核

呈悉查分處辦事人員率係專差與縣署人員略有不同現在經費既裁自非優予津貼不足以資辦公所有
提成分配辦法印會文第十二三號呈候核奪此令

▲京兆全區旗產官產清理處指令密雲分處

旗地售租處在縣設立機關
已函請該處允將員役撤回 文 第一二二五號

沁代電已悉查售和處派員分赴各縣原係指地對佃並無他項責任前據該分處呈報到處業經轉請該處
撤銷在案茲准覆稱前派之高繼曾現已公畢回處所餘員役亦將繼續回京等語仰卽知照此令

▲公 蘭 ▼

▲本區各機關公牘▼

▲京兆全區旗產官產清理處呈軍團長爲京郊官產處

請轉呈還令 第一三零號
辦理情形文 三月七日

爲據情轉呈事案據京郊清室內務府官產處呈稱案奉

鈞部政字第五六六號訓令內開爲令遵事查清理清室內務府田房官產前據清室私產清理局擬具章
程呈請與該處劃清權限業經本部指令照准並分行遵照在案惟是此種官房地基既經分別等級規定價
格自應照章辦理不得任意增減致滋流弊除分令外合亟令仰該處遵照嗣後出售官房地基務須切實查
勘免得貽人口實倘有高抬抑勒情事一經查明定卽以舞弊論慎之勿違切切此令等因奉此應卽遵令辦
理爲此備文呈請鈞處准予轉呈寔爲公便等情據此查官產價格既經規定自不得任意增減致滋流弊除

據令並由職處隨時監察外理合備文轉呈

鈞部鑒核備查施行謹呈

軍團長
張韓
軍團司令部
軍團第三方面聯合軍團司令
鎮威第四

軍團長
張韓

▲京兆全區旗產官產清理處呈軍團長呈請轉飭馬蘭鎮署禁止砍伐文第一三四號

自潤行宮禁林三月九日

爲呈請事案據蔚縣文知事呈稱呈爲呈報事案查前奉鈞處第三十一號訓令內開爲遵令事案查該縣所屬白澗地方有前清行宮一座此項建築物工程較大關係官產自應妥爲保管合亟令該知事遵照辦理母稍疏忽是爲至要切切此令等因奉此當經劉前知事令行第三區區官達照妥爲保護在案茲于二月二十四日據該區區官王餘慶呈稱竊奉令保護白澗行宮所有屍體物品茲于本月二十四日據看管該行宮日兵來區報稱現有馬蘭鎮總兵派人來伐行宮樹株區官聞報即帶警前往查詢據該伐樹人田蘭圃侯鳳鳴聲稱伊等奉有馬蘭鎮總兵命令砍伐行宮樹株卽日興工并查有馬蘭鎮總兵兼東荒墾植局發給之證照查此項樹株關於國產寔屬重要是否准其砍伐請予指示前來知事當以此項行宮物產既奉鈞令保護自未便任其伐放正擬具文呈報間又准直隸馬蘭鎮總兵公署函開逕啟者頃據派駐盤山防務所防務員邢樹增呈稱呈爲報告事竊職於本月二十三日奉會赴盤山白澗設立防務所一處監視木廠砍伐木料暨開票等項茲有該地方警察第三區阻擋該寶順木廠砍伐職並同該區警士面見該區官王餘慶據該區官言未奉到本縣公事祈待敝縣文到後再爲砍伐等語查盤山界內地畝樹株業由敝署清理將竣所遺白

瀾行宮奉令化歸貴署及專員辦理而敝署設有林務專科所遺白瀾行宮內及盤山未伐畢之樹株自應繼續招商承辦相應函達貴署所有盤山寶順木廠承辦白瀾行宮界內樹株即希查明聽其砍伐並希轉飭三區警所勿得攔阻等因旋又據第三區區官王餘慶呈稱爲呈送事竊馬蘭鎮署派來商人

田謹國
侯鳳鳴砍伐行宮

樹株前已先後呈報并經飭令該商暫勿砍伐及已放倒之松柏樹七株亦不准運走等情具報在案茲于三月一日該商人以馬蘭鎮署命令綦嚴飭速砍伐不聽禁止復行砍伐松樹四株職未敢擅自準其砍伐唯有備文將該商候鳳鳴呈送施行等情前來當經知事訊據該商候鳳鳴供稱伊等係奉馬蘭鎮總兵公署砍伐白瀾行宮等處樹株并呈驗護照兩紙一爲該鎮署發給該商人候鳳鳴等官商合辦盤山白瀾等處樹株之護照一爲該鎮署發給服務員邢樹增查防私木之護照知事詳察所呈護照雖似真寔但此項行宮物產既飭職縣保管知事職責所在於未奉明令變更管轄以前自未便聽其砍伐究竟該行宮所有樹株應否准其伐放知事未敢擅便理合備文呈請鈞處鑒核迅賜指令祗遵等情據此查職處前爲燕郊行宮處分一案與馬蘭鎮總兵發生交涉當經呈明

二 鈞部核准由職處照章處分在案白瀾行宮事同一律自應在職處清理權限之內未便任人干涉所有宮內樹木亟應妥爲保護以待清理應請
鈞部轉令馬蘭鎮總兵迅速停止砍伐以維官產除指令外理合具文呈請
鈞部鑒核指令施行謹呈

鎮威第三方面聯合軍團司令部軍團長

張韓

▲京兆全區旗產官產清理處函致京師警廳請將前步軍統領衙門案卷移交本處保管文 第三一六號

遷啟者案查前奉

京兆尹令開案查德勝門外黑寺地方有官地二百四十畝係本署向前步軍統領衙門領墾闢作京兆第一棉業試驗場現已改爲京兆經濟棉業試驗場自該衙門裁撤後此項地畝暫歸京師警察廳接管當經本署與該廳交涉請將此地免租永遠割歸京兆辦理棉場之用並於上年八月間由該廳送到免租執照各在案惟此項官地既歸京兆辦理棉場自當由京兆管理而現在僅送免租執照難保將來不重起糾紛危害實業前途並聞該廳業將此項官地卷宗移交京郊清理官產處接收合亟令仰該處遵照迅卽令飭將該項官地所有一切卷宗移歸該處呈由本署接管以一事權而重棉業等因奉此當經令行京郊清室內務府官產處查復去後嗣據該處復稱接收

貴廳案卷均係清室內務府房產部分至步軍統領衙門一切檔冊

貴廳並未移交等情到處當即據情呈復在案茲奉

京兆尹指令內開呈悉查德勝門外黑寺地方原屬京兆區域並在官產範圍以內且經警察廳撥歸本署改作京兆經濟棉業試驗場並予免租在案現在該步軍統領衙門既經裁撤則此項官產自應併歸該處接收官產案內辦理方爲正當仰卽商協京師警察廳將此項官產一切卷宗移歸該處呈由本署接管以一事權而重棉業着卽遵照切切此令等因奉此查此項官產既屬京兆區域又係清室遺產自步軍統領衙門裁撤後又早經

貴廳撥歸京兆永遠免租作為辦理棉場之用是事實上已歸京兆管轄自在敵處清理範圍之內應請

貴廳將該項畠產一切案卷移交敵處接收以便轉呈而歸實用相應函請

貴廳查照見復施行此致

京師警察廳

▲京兆全區旗產官產清理處代電呈

軍團部
京兆尹擬將京兆各縣旗地

留置暫緩加價
請核示遵行文
三月廿一日

鎮威第三方面聯合軍團司令部軍團長
京兆
兆
邦
鈞鑒竊查前奉

鉤令以據京兆區省議會議長等呈留置旗產依限加價民力未逮請予展期等情令飭酌議等因當經核議請以大興等十四縣旗地原佃留置初限概以本年三月十五日為結束之期逾期再行增收地價其永霸領良房固六縣分處甫經先後成立廳以據報布告之日起予限兩月由佃戶申請繳價留置限滿照章辦理呈奉

摺令核准通令遵照在案現在大興等十四縣期限已屆結束之期永霸領良房固六縣限月期限亦已先後屆滿職處體察各縣民力異常竭蹶若遞行加價則希望留置者易致裹足於國課收入影響滋大可否將塞兆所屬各縣旗地佃戶留置儻値暫緩加增俟隨時察看情形再行呈請核辦以期民附易於籌措而裨牧益之處伏候

迅賜核示遵行

京兆全區旗產官產清理處 印

京

兆

公

報

▲京兆全區旗產官產清理處通知李廷璽來處領取部照証書文

第五號
二月十七日

爲通知事案查宛平縣民康德芬李廷璽等以前領部照證書均填錯誤呈請更名換發部照等情到處當經批示并令行大宛分處核辦各在案茲據該分處呈稱違查此項舊式部照證書與新頒關書格式不符若撤銷舊照書而換新照書則造冊時無法列入且換新式照書而不收費於收入總數則必不能符合計算上殊多窒碍復查舊例佃戶更換姓名者祇於原照書上予以更正註明更正緣由加盖信印而已無有另發新照書者此案似可援例辦理庶於會計上不致紊亂而有佃戶之權利復可確寔證明此兩全之道也除咨宛平縣將糧名冊更正外理合將令發照書上之佃戶康德芬姓名更爲李廷璽名字並註明更正緣由加盖縣處印信呈送飭領前來除指令應准援例辦理外合函通知該民李廷璽仰即遵照來處具領可也特此通知

▲京兆全區旗產官產清理處佈告爲大鹿圈黑地已派員清理文

第四號
三月十日

爲佈告事案據魯振鐸張永順呈稱爲呈報精曲懇請派員清理官地樹木俾定產權而增國課事竊維地方多事需用浩繁省庫空虛難資挹注欲圖增補之術猶期取不傷廉貳爲籌款之謀儼同廢物利用查大興縣屬東部距京十餘里大鹿圈地方（即公主坟）舊有明季某氏廢塋二處計坟二座相距三里許共佔地約八九頃內有宮殿十餘間其宮牆内外計有松柏等樹數百株惟年湮代遠某氏絕嗣無人經營遂致蓬蒿徧地殿宇圮壞舉目荒涼不堪回首現今雖有守牧家奴十餘家宅墓旁以居而考其姓氏不一性貌亦不一致其奸狡者或欲冒宗變賣地畝樹株希圖得價肥已而其較性者或欲隱匿不報以爲姑息之謀總之家奴作祟盜墾塋地已成慣技竊伐塋樹時有所聞今茲該塋除敗瓦頽垣之宮址及蒼松翠柏之樹基佔地尚有數十

畝外其餘之地盡闢爲熟田大有以賓冒主之勢不知此種地畝樹株原係有主之物某氏血統既絕於理於法自當歸官處理民等生長是鄉深知底裏與其任彼家奴侵盜不已何若變賣物產報効公家民等擬將此種地畝樹株列爲專案辦理仰仗貴處派員處分所得地樹等價應請分爲十成以五成報効公家以一成爲辦事人員之經費其餘四成歸民等承領以作調查墾耕等費及周濟彼輩家奴數百年保護之津貼以示體恤如此辦法寔於公私兩有裨益如蒙允准派員辦理民等當到地指段協同籌辦是否有當敬請批示祇道等情據此查此項地畝既爲無主官產若任令荒棄未免可惜自應趕緊設法清理以杜隱匿而裕國課茲由本處委任王士清爲清理該處大鹿圈荒林黑地事宜委員按照本處擬訂規則清理一切并限於兩星期內辦理完竣回處銷差除批示并委任及訓令外特此佈告該處居民一體遵照毋得藉詞阻撓致干法究切切此佈

▲雜錄▼

專件

▲祝學員楊敏視察通縣教育報告書（續）

大興莊公立初級小學校 在村之民房內教室三間教具粗備學生級數四分一二三四共三十五名缺席四名教員劉傑師範講習所畢業值授三年級國語教音稍欠清晰教法亦失之板滯該員對於教法似宜加研究經費年出約一百四十元除收學費外餘由青苗會補助

焦莊村初級小學校 在該村之七聖廟內教室三間教具尙敷應用惟室內氣味觸鼻且欠清潔於衛生未免過於有碍教員金永明身服短衣腰橫孝帶適值手持長桿煙袋正在大吸特吸之時學生二十六名口誦三百千正在洋洋得意之際其校內情形不可言狀詢及採用何種教科書該員竟不知對其敷衍亦可知矣詢及此時應授何課據彼云算術當即請其出題授課不惟教法毫無書法亦多錯亂似此教員實在有誤青年擬請

傳令撤換是否有當敬請

鑒核

堤子村公立初級小學校 在該村之關帝廟內教室北房三間教具校具均敷應用校長胡教本教員孫旨敬編制級數四學生共四十五名本日視察值課一二年級習字三四年級國文教態從容講解亦極為詳盡諸生獲益匪淺經費年出一百四十元除收學費外餘由本村公會補助

都家甫村公立初級小學校 在村之民房內教室兩間室內設置尙稱粗備惟於採光通氣均鮮適宜桌椅亦多破壞不堪已囑其校長郝賀亭從速修理編制級數二學生共二十名教員李德輝值授一二年級國語講解尚明瞭惟教法無序該員似宜加研究經費年出約一百六十元除收學費外餘由青苗會補助

富河莊公立初級小學校 在村之娘娘廟內教室三間設備粗具校長曹德堃教員傅文田師範講習所畢業學生三十名缺席四名本日視察值一二年級習字三四年級國語教法尙無可指疵處惟查學生用書尙未齊備已囑該員從速購買以備應用

(未完)

* 本報價目表 *

全年四十八冊	半年二十四冊	三個月十二冊	每月四冊	每册
四元四角	二元二角	一元四角	四角八分	一角三分

印 刷 所	發 行 所	編 輯 所	招 登 廣 告 價 目 表			期 限
			半 頁	一 頁	價 目	
			四 分 之 一	三	八	每 期
			京 兆 尹 公 署	五	元	
			公 報 處	三	元	
			電 話 東 局 五 六 九	元	元	

意	注	本報價目均按大洋計算郵費在內如郵匯不通之處無法寄款者可用郵票作抵（以四分郵票為限）惟報費必須先交
---	---	--